

Tresa Berther-Deagisch, Camischolas



Ils 11 da zercladur annunzia il zenn la mort da nossa convischina Tresa Berther da Camischolas sesenta dapi 1994 en casa da vegls s. Clau a Curaglia. La Maria Tresa ei naschida ils 13 da fevrier 1909 a Gonda. Ses geniturs ein stai Emmanuel Deragisch e Maria Tresa Schmid. A Gonda ha ella passentau sia affonza el ravugl d'ina gronda famiglia. Ensemes cun tschun soras ed in frar, in ulteriur frar ei morts da baret, ha la Tresa senza dubi giu ina affonza plein veta cun ses bials e leghers eveniments. Las scolas, la primara e secundara han terminau l'affonza e la giuvna Tresa ei segidada culs da casa.

Igl onn 1930 marida ella Clemens Berther da Camischolas. La letg crescha. Siat affons portan sulegl e legria e benedeschan la letg. Quitau e laver dattan il maun in a l'auter. Cruschs e miseries han era tribulau la veta dalla Tresa. Grondas fridas ein stadas la permatura mort da treis affons. Era la mort dil mariu Clemens igl onn 1986 ha ella supportau cun vertit cristiana. La Tresa ha silsuenter astgau guder agid e sustegn tiels ses da casa. Igl onn 1993 eis ella vegnida grev malsavanaugh ed igl onn 1994 sto ella serender ella casa s.Clau a Curaglia. Leu ha ella astgau guder la buna tgira tochen ch'il Segner ha clamaeu ella a casia. Ina sempla dunna da casa e pura, ina femna ruasseivla, ina buna e carezada mumma ha bandunau ils ses - nus per adina. Il 4 da zercladur ha in numerus pievel accumpignau ella al survetsch funeral e surdau ella alla fossa. El meretta la pasch eterna.